

ÁKVÖRÐUN FRAMKVÆMDASTJÓRNARINNAR

frá 14. október 1997

um aðferð við staðfestingu á samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar múrverk og byggingarvörur fyrir múrverk(*)**(97/740/EB)**FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnslufyrirmælum aðildarríkjanna um byggingarvörur ⁽¹⁾, eins og henni var breytt með tilskipun 93/68/EBE ⁽²⁾, einkum 4. mgr. 13. gr.,*og að teknu tilliti til eftirfarandi:*

Þegar staðfesta á samræmi vöru skal framkvæmdastjórnin velja á milli aðferðanna tveggja sem kveðið er á um í 3. mgr. 13. gr. í tilskipun 89/106/EBE og ætíð velja „auðveldustu aðferðina af þeim sem samrýmast öryggissjónarmiðum“. Þetta merkir að nauðsynlegt er að ákveða, með tilliti til ákveðinnar vöru eða vöruflokks, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og fullnægjandi skilyrði fyrir staðfestingu á samræmi eða hvort þörf er á afskiptum viðurkennds vottunaraðila af ástæðum sem varða viðmiðanirnar í 4. mgr. 13. gr.

Samkvæmt 4. mgr. 13. gr. skal aðferðin, sem þannig er valin, tilgreind í umboðunum og tækniforskriftunum. Því er æskilegt að nota sömu skilgreiningu á hugtakinu vörur eða vöruflokkar og notuð er í umboðunum og tækniforskriftunum.

Aðferðunum tveimur, sem kveðið er á um í 3. mgr. 13. gr., er lýst ítarlega í III. viðauka við tilskipun 89/106/EBE. Því er nauðsynlegt að tilgreina með skýrum hætti, með hliðsjón af III. viðauka, hvernig þessum tveimur aðferðum skuli beitt að því er varðar hverja vöru eða vöruflokk þar eð ákveðin kerfi eru tekin fram yfir önnur í III. viðauka.

Aðferðin, sem um getur í a-lið 3. mgr. 13. gr., svarar til kerfanna sem eru tilgreind í fyrsta kosti, án stöðugs eftirlits, og öðrum og þriðja kosti í ii-lið 2. þáttar III. viðauka og aðferðin, sem um getur í b-lið 3. mgr. 13. gr., svarar til kerfanna sem eru tilgreind í i-lið 2. þáttar III. viðauka og í fyrsta kosti í ii-lið 2. þáttar III. viðauka, með stöðugu eftirliti.

Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um byggingarmál.

SAMÞYKKT ÁKVÖRÐUN ÞESSA:

1. gr.

Staðfesta skal samræmi vara og vöruflokka, sem eru tilgreind í I. viðauka, með aðferð þar sem framleiðandi ber einn ábyrgð á framleiðslustýringarkerfi í verksmiðju sem tryggir að varan sé í samræmi við viðeigandi tækniforskriftir.

2. gr.

Staðfesta skal samræmi vara, sem eru tilgreindar í II. viðauka, með aðferð þar sem gert er ráð fyrir, til viðbótar við framleiðslustýringarkerfi í verksmiðju, sem framleiðandi starfrækir, þátttöku viðurkennds vottunaraðila við mat og eftirlit með framleiðslustýringunni eða vörunni sjálfri.

(*) Þessi EB-gerð, sem birtist í Stjtið. EB L 299, 4.11.1997, bls. 42, var nefnd í ákvörðun sameiginlegu EES-nefndarinnar nr. 118/98 frá 18. desember 1998 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(¹) Stjtið. EB L 40, 11. 2. 1989, bls. 12.

(²) Stjtið. EB L 220, 30. 8. 1993, bls. 1.

3. gr.

Í stöðlunarumboðum skal tiltekið hvaða aðferð skuli notuð til að staðfesta samræmi samkvæmt III. viðauka.

4. gr.

Ákvörðun þessari er beint til aðildarríkjanna.

Gjört í Brussel 14. október 1997.

Fyrir hönd framkvæmdastjórnarinnar,

Martin BANGEMANN

framkvæmdastjóri.

*I. VIÐAUKI***Múrverk og byggingarvörur fyrir múrverk**

- Múrsteinn í II. flokki til nota í vegg, súlur og skilveggi.
- Sérstakur múrsteinn í II. flokki, sem í eru varmaeinangrandi efni, til nota í vegg og skilveggi enda falli hann ekki undir II. viðauka.
- Verksmiðjuframlétt múrsteinslím eftir staðlaðri uppskrift til nota í vegg, súlur og skilveggi.
- Verksmiðjuframléidd múrklaðning til nota í lokaáferð á veggjum, súlum, skilveggjum og loftum.
- Binding, gyrði, bitar, hné, festingar og vinklar, fúgustyrking og glugga- og dyratré til að múra í múrsteinsveggi, -súlur og -skilveggi.

*II. VIÐAUKI***Múrverk og byggingarvörur fyrir múrverk**

- Múrsteinn í I. flokki til nota í vegg, súlur og skilveggi.
- Sérstakur múrsteinn í I. eða II. flokki, sem í eru varmaeinangrandi efni sem flokkast undir Evróflokka A, B eða C, ef nothæfi þessara efna með tilliti til bruna getur annaðhvort tekið breytingum á meðan á framleiðsluferlinu stendur (yfirlétt er um að ræða byggingarvörur sem eru upprunalega framleiddar úr eldfimnum hráefnum) eða er breytt með ísetningu tiltekinna efna, eins og eldtregðunarefna, til nota í vegg og skilveggi, sem falla undir kröfur um brunaviðbrögð, en einungis þegar líkur eru á að þessi efni geti komist í snertingu við eld þar sem þau verða á endanum notuð.
- Verksmiðjuframlétt, sérhannað múrsteinslím til nota í vegg, súlur og skilveggi.

III. VIÐAUKI

VÖRUFLOKKUR

MÚRVERK OG BYGGINGARVÖRUR FYRIR MÚRVERK (1/3)

Kerfi til staðfestingar á samræmi

Staðlasamtök Evrópu/Rafstaðlasamtök Evrópu (CEN/CENELEC) eru beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum fyrir þær vörur og þau áformuðu not sem getið er hér á eftir:

Vara/vörur	Áformuð not	Stig eða flokkur/flokkar	Kerfi til staðfestingar á samræmi
Múrsteinn í I. flokki⁽¹⁾	Í vegg, súlur og skilveggi	-	2+
Verksmiðjuframleitt sérhannað múrsteinslím⁽²⁾			
Múrsteinn í II. flokki	Í vegg, súlur og skilveggi	-	4
Verksmiðjuframleitt múrsteinslím eftir staðlaðri uppskrift⁽³⁾			
Verksmiðjuframleidd múrklæðning			

Kerfi 2+: Sjá fyrsta kost í ii-lið 2. þáttar III. viðauka við tilskipun 89/106/EBE, þar með talin vottun samþykks aðila á framleiðslustýringu í verksmiðju.

4. kerfi: Sjá ii-lið 2. þáttar í III. viðauka við tilskipun 89/106/EBE, þriðja kost.

⁽¹⁾ Múrsteinar með tiltekið meðalþrýstihól og mega líkur á að ná ekki þessu þrýstihóli ekki vera meiri en 5%.

⁽²⁾ Steinlím sem er hannað og framleitt til að standast tiltekna nothæfiskröfur.

⁽³⁾ Steinlím sem er framleitt úr efnisþáttum í tilteknum hlutföllum og sem gera má ráð fyrir að standist tiltekna nothæfiskröfur.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekna eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3. í grunnskýlunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.

VÖRUFLOKKUR

MÚRVERK OG BYGGINGARVÖRUR FYRIR MÚRVERK (2/3)

Kerfi til staðfestingar á samræmi

Staðlasamtök Evrópu/Rafstaðlasamtök Evrópu (CEN/CENELEC) eru beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum fyrir þær vörur og þau áformuðu not sem getið er hér á eftir:

Vara/vörur	Áformuð not	Stig eða flokkur/flokkar	Kerfi til staðfestingar á samræmi
Bindingar, gyrði, bitar, hné, festingar og vinklar, fúgustyrking og glugga- og dyratré	Í vegg og skilveggi	-	3

3. kerfi: Sjá ii-lið 2. þáttar í III. viðauka við tilskipun 89/106/EBE, annan kost.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3. í grunnskjölnum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.

VÖRUFLOKKUR

MÚRVERK OG BYGGINGARVÖRUR FYRIR MÚRVERK (3/3)

Kerfi til staðfestingar á samræmi

Staðlasamtök Evrópu/Rafstaðlasamtök Evrópu (CEN/CENELEC) eru beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum fyrir þær vörur og þau áformuðu not sem getið er hér á eftir:

Vara/vörur	Áformuð not	Stig eða flokkur/flokkar	Kerfi til staðfestingar á samræmi
Múrsteinn sem í eru varmaeinangrandi efni sem komið er fyrir á yfirborði sem líkur eru á að komist í snertingu við eld	Í vegg og skilveggi sem falla undir kröfur um brunaviðbrögð	A,B eða C ⁽²⁾	1
		A,B eða C ⁽³⁾	3
		D, E eða F	4

1. kerfi: Sjá i-lið 2. þáttar í III. viðauka við tilskipun 89/106/EBE, án úttektarprófunar á sýnum.

3. kerfi: Sjá ii-lið 2. þáttar í III. viðauka við tilskipun 89/106/EBE, annan kost.

4. kerfi: Sjá ii-lið 2. þáttar í III. viðauka við tilskipun 89/106/EBE, þriðja kost.

(1) Hvað varðar viðbrögð við bruna vísast til ákvörðunar framkvæmdastjórnarinnar 94/611/EB (Stjtið EB nr. L 241, 16. 9. 1994, bls. 25).

(2) Efni sem með tilliti til bruna geta annaðhvort tekið breytingum á meðan á framleiðsluferlinu stendur (yfirleitt er um að ræða byggingarvörur sem eru upprunalega framleiddar úr eldfimum hráefnum) eða er breytt með ísetningu tiltekinnna efna, eins og eldtregðunarefna.

(3) Efni sem með tilliti til bruna taka ekki breytingum á meðan á framleiðsluferlinu stendur (yfirleitt er um að ræða byggingarvörur sem eru upprunalega framleiddar úr eldraustum hráefnum).

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3. í grunnskjölnum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.